

JISŌS EJ KRAIST, NEJIN ANIJ; E OKTAK TURIN MEJĀN JISŌS

Kōttōpar ko an katak in:

- Kwaļok kōn lōmņak ko an armej kōn Jisōs.
- Kwaļok bwe Jisōs ej ri Kraist, Nejin Anij.
- Kwaļok kōn iien eo im aiboojoj an Jisōs ear waļok.
- Kwaļok kōn aorōken mej eo an Jisōs ioon debwāāl.

Meļeļe ko reļap ilo katak in:

- Jen lo bwe e aorōk bwe jen tōmak bwe Jisōs ej Anij.
- Jen lo bwe e aorōk tōmak ilo mej im jerkakpeje an Jisōs.
- Jen lo bwe jermal eļap an Jisōs ej lōmņoren armej kōn An mej ioon debwāāl.
- Jen lo bwe e aorōk tōmak bwe Jisōs wōt e maroņ lōmņoren kōj.

Wōn in Jisōs ilo aṃ lōmņak? Eļap an buñbuñ āt in ilo raan kein. Aolep im jeļā kōn Jisōs. E nañin aolep kabuñ ko ilo aelōñ kein rej kautiej Jisōs. Aolep kabuñ ko ilo aelōñ kein rej jiroñ kōj bwe jen kautiej katak ko an Jisōs. Ebwe ke men in? Ebwe ke bwe kwōn tōmak bwe ewor juon Ri Lōmņor etan Jisōs Kraist? Ebwe ke aṃ tōmak bwe Jisōs ear mej ioon debwāāl kōn jerōwiwi ko aṃ? Wāween aṃ tōmak kōn Jisōs enaaj jelōt ijo eo im kwōnaaj etal ñan ie ālikin aṃ naaj mej. E aorōk ta eo kwōj tōmak kōn Jisōs im jermal eo An.

Elōñ kain bwebwenato in eto armej rej kwaļoki ilo raan kein, ak jet iaer rej baj lōmņak an armej. Ñe jej katak kōn Jisōs, jej aikuļ jeļā mool.

1. Wāween an elōñ armej lōmņak kōn Jisōs ke Ear mour ioon laļ in.



Mark 8:27,28 Im Jisōs ej ilok, kab ro rū kaļoran, ñan jikin kweilok ko redik i Seseria Pilippai; im ilo iaļ Ej kajjitok ippān ro rū kaļoran im ba ñan er, “Wōn Ña, ilo an armej kōnono?” Im re uwaak, “Jon ri peptaij; a jet re ba Ilaija; im bar jet, juon iaan ri kanaan ro.”

Emōj an kar Kiiñ Herod ṃan Jon ri Peptaij. E nañin aolep ri Ju ro raar kautiej Jon āinwōt juon ri kanaan an Anij. Kōn men in, ke raar lo Jisōs, raar lōmņak bwe E Jon ri peptaij emōj an jerkakpeje jān ro ri mej.

Ro jet raar lōmņak bwe Jisōs ear Ilaija. Āinwōt ad jeļā, Ilaija ear juon ri kanaan an Anij me ear mour tarin ruwalitok bukwi lemñoul year ko mokta jān iien lotak eo an Jisōs. Eoon ko reliktata ilo Kallimur Mokta raar kwaļok bwe Ilaija enaaj bar itok im ukōt būruon armej ñan Anij. Kōn men in, elōñ raar tōmak bwe Jisōs ear Ilaija emōj an roļ tok ñan laļ in. Ro jet raar lōmņak bwe Jisōs ear juon ri kanaan an Anij.

Emṃan Jon ri Peptaij im Ilaija. Emṃan juon ri kanaan an Anij. Je maroņ ba bwe aolep armej rein raar kautiej Jisōs. Bōtab ebwe ke joñan in? Ebwe ke ad kautiej Jisōs joñan wōt Jon ri Peptaij ak juon ri kanaan an Anij?

Emōj an Jisōs kwaḷoḷ n̄an armej bwe E Nejin Anij, Ri Lomōḷ eo me emōj an Anij kallimur kake j̄an jinoin laḷ in. Emōj an Jisōs kwaḷoḷ An kajoor kōn men in kabwilōñlōñ ko Ear kōmmani. Bōtab, enañin aolep ri Ju ro raar jab tōmak E.

E kanoj aorōk men eo kwōj tōmak kōn Jisōs. E juon armej emman wōt ke? Ear juon ri kanaan wōt ke? Jisōs ear riab ke kwaḷoḷ mool?

Jisōs ear jab likūt bwe jen jaje wōn E. Eḷaññe jabdewōt men Ear ba e jab mool, innām e jab E Anij, kōnke Anij e weppān im kwōjarjar. Eḷaññe Ear kwaḷoḷ mool, innām jej aikuj tōmak aolep men ko Ear ba.

2. Wāween an Peter kautiej Jisōs.



Mark 8:29 Im Ej kajjitōk ippāer, “A wōn Ña, ilo ami kōnono?” Im Piter e uwaak im ba n̄an E, “Kwe ri Kraist.”

Jisōs ear jeḷā bwe ro rū kaḷoran rej aikuj tōmak bwe E Ri Lomōḷ eo bwe Anij en bōk er. Ewi kar uwaak eo an Piter? Ear ba, “Kwe Ri Kraist.” Kraist ej kajin Grik, im meḷeḷein “Ri Kapit” ak “Eo im emōj kapit e.” Ilo kajin Hibru, raar ba “Messaia.” Ke Piter ear ba bwe Jisōs ej ri Kraist, ear ba bwe Jisōs ej Eo im Anij ear kālōt im kapit E bwe En itok im lomōḷoren armej.

Piter ear jeḷā im tōmak:

- bwe Jisōs ear Ri Lomōḷ eo me Anij ear kallimur kake ilo jikin kallib in Iden.
- bwe Jisōs ear Ri Lomōḷ eo me Anij ear kallimur kake n̄an Ebrean im n̄an Devid bwe Enaaj itok j̄an baamle ko aer.
- bwe Jisōs ear Eo im ri kanaan ro raar kōnono kake bwe En itok im lomōḷoren armej.
- bwe Jisōs ej Pris, Ri Kanaan, im Kiiñ me Bible ej kōnono kake.



Mark 8:30 Im Ej kauwe er, bwe ren jab kōnnaanōk jabdewōt armej kōn E.

Jisōs ear kōḷaan bwe armej rej roñjake naan ko An im tōmak E. Ear jab kōḷaan bwe armej rej ḷoor E kōn wōt an ro rū kaḷoran ba bwe ren ḷoor E. Jen jab tōmak ilo Jisōs kōn an juon ri kaki ak bar juon armej ba. Jen make tōmak Naan in Anij im bwe Jisōs ej Ri Lomōḷ eo.

3. Wāween an Jisōs ḷōmḷak kōn E make.

Jisōs ear kwaḷoḷ bwe E ri Kraist. Jisōs ear kwaḷoḷ bwe E make Enaaj lomōḷoren im kawānōk ro rej lōke E.



Jon 3:14,15 Im āinwōt Moses ear lelōñḷoḷ jedpānit eo ilo āne jemaden, āindein naaj lelōñḷoḷ Nejin armej; bwe jabdewōt eo ej tōmak ilo E en mour indeeo.

Jisōs ear bar āinwōt kwaḷoḷ bwe āinwōt Kraist, e Anij.



Jon 8:58 Jisōs e ba n̄an er, “E mool, e mool, Ij ba n̄an kom, mokta j̄an Ebrean, Ij pād.”
(ak ÑA E = etan Jeova Anij ilo Exodus 3:14).



Jon 10:30 Ña im Jema kōmro wōt juon.



Jon 5:23 Bwe armej otemjej ren koutiej Nejin, āinwōt rej koutiej Jemān. Eo e jab koutiej Nejin, e jab koutiej Jemān eo Ear jilkintok E.

Ewi wāween aṃ tōmak kōn Kraist Jisōs, Nejin Anij e mour?



Jon 8:24 Innām Iar ba ñan koṃ, bwe koṃ naaj mej ilo jerōwiwi ko ami; bwe eḷaññe koṃ jab tōmak bwe Ña E, koṃ naaj mej ilo jerōwiwi ko ami.

Kwōj ke tōmak bwe Jisōs ej Anij im bwe E Ri Lōmoṛ eo? E aorōk bwe kwōn tōmak, bwe kwōnaaj mej jān lañ eḷaññe kwō jab. Jerbal ko an Jisōs wōt re marōñ lōmoṛen kōj. Jerbal ko ad make re ban lōmoṛen kōj. Ejjeḷok tokjān jermal ko ad ñan kowānōk kōj. E jab jermal ko ad koba jermal ko an Jisōs. Je jepel jān Anij kōn nana ko ad. Ej jermal an Jisōs wōt me rej lōmoṛen kōj.

4. Jisōs ear jino An katakin armej kōn An naaj mej im jerkakpeje.



Mark 8:31 Im Ej jino An katakin er, bwe Nejin armej enaaj eñtaan kōn men ko relōñ; elder ro, im pris ro reḷap, im skraib ro renaaj joḷok E, im ṃan E, im iloḷkōn jilu raan enaaj jerkakpeje.

Ke eṃōj an Piter im ri jelōk ro jet kwaḷok bwe Jisōs e ri Kraist, Jisōs ear kōṃaan kakememej er kōn jermal eo An eḷap. Ear kwaḷok ñan er bwe Enaaj eñtaan, mej, innām jerkakpeje.

Jisōs ear jelā bwe Setan enaaj kōjermal ri utiej an ri Ju ro bwe ren ṃan E, kōnke raar jab tōmak bwe E Nejin Anij, Ri Lōmoṛ eo. Kab, Jisōs ear jelā bwe meñe Enaaj mej im kallib, Enaaj jerkakpeje ālikin 3 raan.

Kwō jelā ke ta eo enaaj waḷok ñan eok ilju? Kwō jaje. Jisōs e jelā aolep men. E jab juon armej wōt āinwōt kwe im ña. Aolep men ko me ri kanaan ro raar kōnono kaki kōn Jisōs raar waḷok.

5. Ear oktak tūrin mejān Jisōs.



Mark 9:2,3 Im iloḷkōn jiljino raan, Jisōs ej āñin Piter im Jemes im Jon, im āñinlōñḷok er ioon juon toḷ e utiej make iaer; im kōjakkōlkōl E iṃaan mejeir. Im nuknuk eo An e jatōltōl e kanooj mouj, im ejjeḷok ri karreo nuknuk i laḷ ej marōñ kemouj āinwōt.

Baibōḷ ej katakin kōj bwe Jisōs ear juon lukkuun armej. Elōñ kanniōken im diin āinwōt juon lukkuun armej. Elōñ jinen ekkar ñan kanniōk. Oktak eo ej bwe e kar ejjeḷok jemān ekkar ñan kanniōk. Ear ḷotak kōn kajoor an Jetōb Kwōjarjar. Ilo an armej lale, ejjeḷok oktak jān armej ro jet. Bōtab jermal ko An raar kaṃool bwe E oktak jān armej ro jet. Mōkta jān an Jisōs itok ñan laḷ in e kar ejjeḷok ānbwinnin. Baibōḷ ej katakin kōj bwe Jisōs ej Anij.




Pilipai 2:5,6 Lōmṃak in en pād ilo koṃ, eo ear barāinwōt ilo Kraist Jisōs, Eo, ke Ej ilo wāween Anij, Ear jab lōmṃak An āinwōt Anij men in dāpiji.



Jon 1:1 Ilo jinoin Anij, im Naan ippān Anij, im Naan Anij.

Ejab meļe in bwe Jisōs ej juon eo anij. Eban! Bwe ewor juon wōt Anij. Eļāñne Jisōs ej Anij im Jemādwōj ilaņ ej Anij, innām erro rej juon wōt Anij. Bwe? Kōnke e lukkuun alikkar an Baibōl ba bwe elōņ juon wōt Anij.



Aiseia 43:10 “Koņ ri kōnnaan ro Aō,” Jeova ej ba, “im ri karijera Iar kāālōte; bwe koņwin jeļā im tōmak Eō, im meļe bwe Ņa e; mohta jān Ņa, e kar ejjeļok Anij, im naaj ejjeļok ālikū.”

Jisōs ej Anij. Jisōs e ban juon eo anij jān Jemān. Baibōl ej barāinwōt jiroņ kōj bwe Jisōs ear erom kanniōk.

Ilo Kallimur Mohta Anij ear kōņaan itok ñan armej ro doon. Bōtab raar bane aiboojoj eo An. Ear jiroņ ro nejin Israel bwe ren kōmanman juon eņ nuknuk bwe en jikin An jokwe ilo bwiljeir. Kilen eņ nuknuk in ear āinwōt eņ nuknuk ko an aolep ri Ju ro jet. Bōtab aiboojoj eo an Anij ear pād ilowaan.

Anij ear kōjakkōlkōl aiboojoj eo An ilo juon wāween ba. Ejej ir jān men eo im Jisōs ear kōmmane ke ear itok ñan laļ in.

Jon 1:14 *Im Naan ear kanniōk im pād ipped...* Naan in “pād” ej ukoten juon naan in kajin Greek me ej meļe in “kajutak, ak jokwe, ilo juon eņ nuknuk.” E eja men eo im Anij ear kōmmane ke aiboojoj eo An ear pād ilo moņ kōppād eo ilo Kallimur Mohta. Jisōs ej Anij ilo kanniōk.

6. Jerbal eo eļap an Jisōs.



Mark 9:4 Im e weaaktok ñan ippāer Ilaija im Moses, im rej kōnono ippān Jisōs.

Moses ear mour tarrin 1400 year ko mohta jān lotak eo an Jisōs. Ke ear mej, Anij ear kalbwın e. Ejjeļok armej ear lo lōb eo libōn Moses. Ri kanaan Ilaija ear barāinwōt waļok ilo iien in. Ilaija ear mour tarrin 850 year mohta jān lotak eo an Jisōs. Ear jab mej. Jeova ear bōklōņļok e ñan laņ ilo juon chariot e urur.

Meņe ear to aer jako jān laļ in, je laķ ilbōk im rej waļok ippān Jisōs raan toļ eo. Raar pād ia ilo kōtaan eo ke raar jako? Raar pād ilaņ. Men in ej kwaļok bwe lukkuun in mool laņ. Ej kaņool bwe ewor mour indeeo ñan ro rej lōke Jeova. Ke Luk ear kōnono kōn eja bwebwenato in wōt ear ba men in.



Luk 9:30,31 Im lo, ruo armej rej kōnono Ippān, erro Moses im Ilaija; rej weaaktok ilo wōj, im kōnono kōn An mej eo Enaaj mej kake i Jerusalem.

Rein ruo raar kōnono ippān Jisōs kōn ta? Wāween mej eo im Jisōs enaaj mej kake. Meņe lōmarein raar mour elōņ year mohta jān an Jisōs lotak, raar jeļā kōn kallimur ko kōn Jisōs im bwe Enaaj aikuļ

in mej im jerkakpeje.

Elañne Jisōs ear jab mej, enaaj kaar ejjelōk lomoor jān jerōwiwi. Elañne Jisōs ear jab jerkakpeje, enaaj kar ejjelōk mour indeeo ilañ ippān Anij nān ro rej lōke E. An Jisōs oktak ear kwaļok ruo men: 1) Bwe Jisōs ej Anij ilo kanniōk, im 2) bwe jermal eo elap an Jisōs ej bwe En mej kōn jerōwiwi ko ad.

7. Juon men elap ļok jān vision in.



Mark 9:5-8 Im Piter e uwaak im ba nān Jisōs, “Rabbai, eṃṃan ad pād ijin; im jen kalōk jilu imōn kōppād, juon nān Eok, juon nān Moses, im juon nān Ilaija.” [6] Bwe e jaje ta men eo en uwaak; bwe re kanooj lōļņoņ. [7] Im kōdo ej kallor er; im ainikien ej itok jān kōdo eo im ba, “E in Nejū e jītōnbōro; koṃwin karoņjake.” [8] Im e ṃōkaj, ke eṃōj aer rei bajjek, rej lo ejjelōk armej, a Jisōs wōt ippāer.

Ilo iien an rū jelōk rein jilu kallimjek Jisōs, Ilaija, im Moses, ainikien Anij ear kwaļok bwe Jisōs ej Nejin. Ej meļeļein bwe Jisōs ej Anij. Elōñ juon wōt Nejin Anij. Jisōs ej Anij ilo kanniōk.



Aisiea 9:6 Bwe nān kōj e ļotak juon Ładdik, nān kōj eṃōj letok juon Nejad eṃṃaan; im kien enaaj pād ioon Aeran, im naaj ṃa etan Ri Pepe e Kabwilōñlōñ, Anij e Kajoor Bōtata, Jemān Iien Indeeo, Irooj in Aenōṃṃan.

Jej ba wōt enaaj lukkuun ṃōkaj an ro rū jelōk tōmak Jisōs, ainwōt ke eṃōj aer lo juon vision elap im roñ ainikien Anij. Bōtab raar jañin meļeļe. Ke Parisi ro raar jibwe Jisōs, aolep rū jelōk im ko jān E. Ke Jisōs ear jerkakpeje, ejjelōk iaer ear katmāne bwe Enaaj jerkakpeje jān ro ri mej.

Anij ej jab kōnono nān kōj ilo raan kein kōn juon ainikien jān lañ. Eṃōj An likūt Naan ko An nān kōj ilo Bible, im E kōṃaan bwe jen read im tōmak E. Elōñ year ālikin iien in, Piter ear je naan kein im kōnono kake:



2 Piter 1:16-21 Bwe kōm ar jab ļoor bwebwenato waan ko an ri kapeel, ke kōm ar kōjjeļāik koṃ kōn kajoor im itok an ad Irooj Jisōs Kraist, a kōm ar ri kallimjek An aiboojoj elap. [17] Bwe Ear bōk jān Anij Jemān nōbar im aiboojoj, ke ainikien eo ear itok nān E jān wōj eo eṃṃan bōtata, “E in Nejū jītōnbōro Ippa, im Eo ij buñbūruō kake,” [18] Im ainikien in kōm ar roņjake itok jān lañ, ke kōm ar pād Ippān ilo toļ e kwōjarjar. [19] Im ipped naan in rūkaanij e penļok, eo eṃṃan ami kōṃṃan elañne koṃij kōjparoke, ainwōt meram ej romaak ijo e marok, ṃae iien raantak, im iju raan ej tak ilo būruemi. [20] Im koṃ jeļā men in ṃokta, bwe ejjelōk naan in rūkaanij an Jeje ko ej jān an armej ro make ļōṃṃak [21] Bwe ejjelōk naan in rūkaanij ear itok kōn ankilaan armej, a armej raar kōnono jān Anij, kōn an Jetōb Kwōjarjar kokōnonoik er.

E ṃool Bible, im e ṃool naan ko an Jisōs. Ear kwaļok Naan ko An bwe En tōl kōj nān mour indeeo.

Kajjitōk ko

1. Ke Jisōs ear kajjitōk ippān ri kaļooran wōn E, raar uwaak im ba ta?
2. Wōn ro raar pād raan toļ eo ippān Jisōs?

3. Ta eo ear waļok ñan tūrun mejān Jisōs?
4. Men in ej kwaļok ta?
5. Wōn ro im raar waļok ippān Jisōs?
6. Raar kōnono ippān kōn ta?
7. Men in ej kwaļok ta?
8. Ainikien Anij ear ba ta?
9. Ewi juon men eṃṃan ļok jān vision?